



Wieërt, jannewari 2017

Beste Gemeindjeraod,

De Stichting Lambieck Knoup  
Wieërt zörgtj d'r jaorliks  
vör det serieus gemeindje  
hândelinge of gebuürtenisse,  
di-j achteraf knouwelechtig  
outpakke op 'n humoristiese  
meneer in de bekindjheid  
gebrachd en bekroendj waere.  
't Ein en ânger passendj in  
de Wieërter mentaliteit en  
de veering van de Wieërter  
vastelaovundj.

[www.lambieckknoup.nl](http://www.lambieckknoup.nl)  
[info@lambieckknoup.nl](mailto:info@lambieckknoup.nl)

De Stichting Lambieck Knoup  
Wieërt és opgerichtj in 1979.  
Ze zétj zich in vör 't  
behaod van de Wieërter  
kultuur en stuuëntj sociaal  
maatschappelijke activiteite.

2017 es 't jaor woeë-in vae as Lambieck Knoup oeëze 38<sup>e</sup> Lambieckaovundj moge organiseëre. Det beloëfdj weer un hieël spektakel te gaon waere. Weej dejje van os gewôndj zeetj wurdj op dieëze aovundj de Gouwe, Zûlvere en Bronze Lambieck uitgerekd, vör de stomste streeke di-j aafgeloupe jaor in Wieërt, Ni-jwieërt en umgaeving utgehaaldj zeen.

Gae hetj messchien al via de lokale media begrieëpe det nemes minder as Peter van Akkerveken as nôuwe Jan van der Croeëndrager gehöldigd zal waere met de ieëremedalie.

Ouch kujje getuuëge zeen vanne uutreiking vanne Ieëre-Lambieck. Dieëze Ieëre-Lambieck wurdj uitgerekd vör un stom streek deej zich boete de Wieërter grenze mer in os Limburgse land hieët aafgespueldj en breid es uitgemaete in lokale en landelijke media.

Wieter kinne ve uch zegke det ve uch dit jaor d'r in geslaagd zeen um oeëze Lambieckaovundj geweldjig te kinne aafslouëte met de Beulse 'tonpraoter' Boy Jansen.

Vae wille uch dan uch van herte uutnuudige um op ozze Lambieckaovundj aanwiezig te zeen. Dit alles vîngtj plaats op:

**maondjig 20 fibberwari 2017 um 20.00 oor  
in Buurtsentrum Moesel, Christinelaan 25 in Wieërt.**

Names Stichting Lambieck Knoup Wieërt wînse ve uch 'n gezoond en gelökkig 2017 en vae hope uch op 20 fibberwari 2017 oppe Lambieck aovundj te moge verwelkaome.

Völ vastelaovundj groete!  
Names de hieële Lambieck Knoup Wieërt

Daan Meeuwissen  
Prizzedènt

Silvia Stultjens  
Schrieëver